



REPÚBLICA DEMOCRÁTICA DE TIMOR-LESTE
MINISTÉRIO DA EDUCAÇÃO



EMBAIXADA DO BRASIL EM DÍLI

KOMUNIKADU IMPRENSA

Ministériu Edukasaun Repúblika Demokrátika Timor-Leste nian hamutuk ho Embaixada Repúblika Federativa Brazil iha Timor-Leste mai, liuhosi biban ida-ne'e, atu hato'o hanoin hodi reforsa projetu kooperasaun edukasaun nian ne'ebé, dezde tinan 2002, kontribui ba dezvoltamentu qualidade edukasaun iha Timor-Leste.

Iha Kooperasaun hirak-ne'e, iha kooperasaun ida ne'ebé formaliza tiha ona iha tinan 2011, liuhosi asina akordu entre Universidade Integrasaun Internasionál Luzofonia Afro-Brazileira (UNILAB) no Ministériu Edukasaun Repúblika Demokrátika Timor-Leste nian ho objetivu atu promove integrasaun edukasaun no hametin relasaun entre estudante husi país sira membru Komunitade País Língua Portugeza nian (CPLP).

Rezultadu hosi kooperasaun ida-ne'e, Ministériu Edukasaun Timor-Leste nian haruka ona bolseiru timoroan nain 71 ne'ebé, oras ne'e frekuenta hela kursu ensinu superiór iha área sira-ne'ebé identifikadu ona hanesan prioridade ba formasaun rekursus umanus timoroan nian.

Tuir notisia barabarak ne'ebé publika ona iha MEDIA lokál sira, maka Ministériu Edukasaun Timor-Leste nian hamutuk ho Embaixada Brazil iha Díli, hakarak hato'o katak, kona-ba atu haruka estudante timoroan nain 59 ne'ebé selesionadu iha tinan 2013 hosi UNILAB, sei iha faze análise ne'eduni, sei hein desizaun no konsiderasaun husi parte hotu-hotu relevante ne'ebé envolve iha asuntu ida-ne'e, liuhosi diálogo.

Ministériu Edukasaun Timor-Leste nian no Embaixada Brazil iha Díli aproveita biban ida-ne'e reforsa votus ba bolseiru timoroan nain 71 iha UNILAB ne'ebé kontinua hala'o hela sira-nia estudu ho susesu no dezempeñu akadémiku ne'ebé di'ak.

Díli, 31 de Janeiro de 2014